

Ndryshimet në këtë edicion

Ky seksion është një udhëzues i shkurtër për ndryshimet e bëra pas edicionit të vitit 2006, të përfshira në këtë edicion të Vëllimit Integral të Standardeve Ndërkombëtare të Raportimit Financiar.

Hyrje

Ndryshimet kryesore në këtë edicion të Vëllimit të Lidhur janë përfshirja:

- e një standardi të ri: SNRF 8
- e katër interpretimeve të reja: KIRFN 9–12
- e shtesave dhe ndryshimeve ndaj SNRF-ve të tjera, që kanë rrjedhur nga këto dokumente
- e shtesave dhe ndryshimeve ndaj *Parathënies së Standardeve Ndërkombëtare të Raportimit Financiar*.

Është hequr nga vëllimi SNK 14, që zëvendësohet me SNRF 8 (shih më poshtë).

Është përfshirë edhe *Manuali për Procesin e Rregullit për BSNK*, që është publikuar në prill 2006.

Është hequr *Parathënia e Interpretimeve të Raportimit Financiar Ndërkombëtar* sepse është zëvendësuar me *Manualin për Procesin e Rregullit për BSNK*. *Manuali* është duke u përgatitur për t'u publikuar në fillim të vitit 2007.

Dokumente të reja

Më poshtë jepet informacion për standardin dhe interpretimet e reja të përfshira në këtë edicion.

SNRF 8

SNRF 8 *Segmentet e shfrytëzimit* zëvendëson SNK 14 *Raportimi i segmenteve*. Ky SNRF kërkohet të aplikohet duke filluar nga data 1 janar 2009, por lejohet aplikimi i tij edhe përpara kësaj date.

KIRFN 9 - KIRFN 12

Katër Interpretimet e reja të përpiluara nga Komiteti Ndërkombëtar i Interpretimeve për Raportimin Financiar (KIRFN), të përfshira në këtë edicion, janë:

- KIRFN 9 *Rivlerësimi i Instrumenteve Derivative të Përfshirë*
- KIRFN 10 *Raportimi Financiar i Ndërmjetëm dhe Zhvlerësimi*
- KIRFN 11 *SNRF 2—Transaksionet me Aksione të Grupit dhe të Thesarit*
- KIRFN 12 *Marrëveshjet Koncesionare të Shërbimit*.

KIRFN 9 kërkohet të aplikohet për periudhat vjetore që fillojnë më datë 1 qershor 2006 ose pa kësaj date. KIRFN 10 kërkohet të aplikohet duke filluar nga data 1 nëntor 2006, ndërsa KIRFN 11 nga data 1 mars 2007. KIRFN 12 kërkohet të aplikohet duke filluar nga data 1 janar 2008.

Nxitet aplikimi më i mëparshëm i KIRFN-ve 9 dhe 10; lejohet aplikimi më i mëparshëm i KIRFN-ve 11 dhe 12.

Materiale të reja të tjera

Faqes së titullit të çdo dokumenti i është shtuar një histori e shkurtër e tij.

Materiale të tjera që kanë ndryshuar

Për këtë edicion janë bërë disa ndryshime editoriale. Së pari, për hir të përputhjes dhe për të evituar përsëritjen e panevojshme, referencat e brendshme midis SNRF-ve tani citojnë, në përgjithësi, titullin e plotë të dokumentit përkatës vetëm kur përmendet për herë të parë. Referencat e mëpasshme brenda të njëjtit SNRF citojnë vetëm formën e shkurtër të titullit. Së dyti, për t'ua bërë më të lehtë lexuesve, në Bazën për Konkluzione të KSNK-së për SNK 40, referencat e brendshme për standardet e KSNK-së janë përditësuar duke i bazuar në versionin e tanishëm të standardit. Në vendet e tjera, për t'i ndihmuar lexuesit, janë shtuar disa shënime në fund të faqes. Janë bërë disa korrigjime të vogla editoriale

(përfshirë edhe disa përditësime të nevojshme). Një listë të këtyre korrigjimeve mund ta gjeni në hapësirën në internet. Së fundi, janë rishikuar Fjalorthi i Termave dhe Indeksi.

Teksti i përditësuar i dokumenteve

Teksti i këtij edicioni të Vëllimit Integral përfshin versionet më të fundit të gjithë SNRF-ve (përfshirë SNK-të dhe Interpretimet) të publikuar deri më 31 dhjetor 2006 dhe që kërkohen të aplikohen më 1 janar 2007 ose duke filluar nga një datë më e vonë.

